



Aqqalu C. Jerimiassen

UKA 2020/194

Atassut

19. Oktober 2020

Center for Cybersikkerhed (internetikkut isumannaassuseq) pillugu inatsisip Kunngip peqqussutaatigut Kalaallit Nunaannut atuutsinneqalernissaanut Inatsisartut aalajangiussassaatur siunnersuutaa Kalaallit Nunaanni Namminersorlutik Oqartussanit akuerineqassasoq.

(Ilinniartitaanermut, Kultureqarnermut Ilageeqarnermullu Naalakkersuisoq)

Qarasaasiatigut pinerliiniartarnek ukiuni makkunani inuinnarniik aallaaveerunnikuusoq naluneqanngilaq, tassami maanna teknologip siuariartupiluulorfiani mobiliniik allaat hackerisoqarsinnaatillugu qaraasiaqarnikkut isumannaannerpaamiittuaannarnissaq pisariaqapoq.

Issittulerngusaanneq aatsaat pileruttorpoq, aatsaallimi sorsunneq nillertoq oqariutsit piukkunnaraluarpoq tassunga. Digitalinngorsaajuarnermi avataaniik qarasaasiatigut pinerliiniat sorphassuarnik ulluinnarni inuunitsinnut eqquinerliorsinnaapput, kukkuluttuallannikkummi inuit allattorsimaffii sorphassuillu annaaneqaratarsinnaammata.

Ilisimaneqartutut Kina sukateriluni pileruttorpoq internetikkut paasissutissanik tilligartaleruttornermut, taaneqartarneratuullu inunnik tusindilippassuarnik naalagaaffiup atorfeqartitaanik hackerinik peqartut. Issittumilumi immikkukajaaq pissaanilissuannngornissartik takorluungaralugu. Ernumanartut najummatserfigisassagut imaanginnalivikkiartorput digitalip silarsuaani inuunitsinni nutartertuartilluta, ullutsinnut malinnaangilaarneq kikkorpassuit eqqornerlunneqarnerannik kinguneqarluarsinnaammata.

Atassummiik qaqugukkulluunniit nunatut isumannaannerpaattuarnissarput pingaartuutittuaannarparput, taamaattumillu Naalakkersuisut taamatut saqqummiussaqaqarnerat toqqammaviatigut taperserlugu taaginnarsinnaallugu.

Taamaattorli Naalakkersuisut kaammattorusuppagut suleqatigiinneq suli annerusumik anersaaralugu suleqqullugit, illuatungaanuinnarmi suleqatigiittoqarsinnaanngimmat, partiillu ataasiakkaat pillugit paasissutissanik eqqortunik oqaaseqartaqqullugit.